

西鳧殘草  
愚溪詩稿

附詞





叢書集成

初編

商務印書館

叢書集成初編

(補印本)

西臯殘草及其他一種

一九三九年十二月初版  
一九六〇年五月補印

商務印書館出版

上海大東集成聯合印刷廠印刷

本館據滂喜齋叢  
書本排印初編各  
叢書僅有此本

孟調王氏名星誠浙江山陰人幼有異才未冠補博士弟子旋以家貧遊河南北爲書記咸豐己未來赴京兆試試畢病榜發中副車越日卒年二十有九其友李蕤客民部發其篋得殘草如千首手錄存之其全稿不可得或曰在大梁董氏顧不能致也余未識孟調因陳生珊士得交于蕤客耳孟調名讀其遺集想見其人恐日久敝失爲梓以傳於戲吳越之間面斗負溟魁艾俊姝接踵多有其枕馘于巖壑而名汶汶者亦不知其凡幾孟調所傳雖僅此以視白雲幽幽蟬吟螻弔者不以優乎吳縣潘祖蔭識

# 西鳧殘草

丙辰人日。同人雪宴芝村寓園。送周叔子星譽入都。

江村十里風雪昏。春船燈火催送人。敝裘上座半酒客。各有萬感叢一身。越山蒼蒼鬱清氣。前輩風流久凋敝。溫堂主人真好事。獨以清文洗寒鄙。曲江一醉宮花新。翻然歸臥南湖春。著書自足娛老母。乞米不肯鬧比鄰。素箏濁酒選佳勝。睥睨名流足豪橫。同時孫李亦詩傑。謂退宜越綬折軸汗駒不能聘。側身頗瞰橫流高。洪鐘所應無聾聵。抗懷已覺古人少。入俗未免羣兒逃。何況烽烟迫飢凍。極目關河託哀諷。蒼生會待斯人蘇。文章豈直名山重。嗟余落拓輕故鄉。行且短劍走大梁。君今幸假尺寸柄。正與天驥資騰驤。願君功名蓋當世。肘下黃金眼中事。十年種學道在茲。毋爲區區昌其詩。

## 瑤宮秋扇曲

銅仙卻露流珠曉。夢狎瓊人泥蘭笑。翡翠生綠侵繡檀。粟粟鈿蟲燭房悄。珍珠絡帳牽帖犀。鉤羅茜捻溫纖黃。腰襦尺六結梔子。墨花卷空湘雨啼。鏡屨雙鸞展瑤訊。泥金小卓青芙暈。鬢雲膩押象牙梳。顫起釵茸咽春韻。冰奩涼雪研指星。睡蛾眉葉江藤青。花題小印約宛翠。嬌樹一枝搖水晶。綃宮背人叩箱玉。紫海圓波染成綠。纈雲淺摺棲桂塵。凍死鴛鴦三十六。麝姬選帳銀荷涼。素烟亭亭來練香。葱珮微忪怯蓮液。璇房避幸題粉薺。阿郎艷譚掩妝夕。捉搦紅心臂紗窄。蕉魂桂魄不長圓。吹樹團香抱孤月。燕支瑤瓚

生夕波抹麗風軟愁虹拖涼簪敲竹憂跳踴簇簾瘦瑤螢火多早紅梅雨丁星墜縹作冰絲藕腸脆嬌痕點點沾髓珊廿四蒲萄泣遙吹綺疏隔霧調雌絃玫瑰七柱琅霞妍玉晨宇騷寫秋恨蘭颺不到緋羅天綠綈冷搵鵝梨澀髣髮何因織鸞翼子夜香臺迴爛龍花宮無限相思碧

龍山道士法場歌

紅螺吹月夜霧開龍山道士朝天回銀旛金笈肅鸞隊神仙恍惚空中來笙匏鏗鏘雜金石羣真叫嗽玉靈響紙灰卷空吹復低冰花綵繚口法衣夜深上座展瓊祕畫燭屏風笑聲閉

臨平

上河新雨上蘆簷小墅春烟叫鷓鴣莫向睡虹橋上望好山青處是西湖

杭州北關外泊舟

小市午時閒春帘勸客船城陰連野竹江色上晴天別意浮梁迴羈愁短驛先越山渾不隔祇是莽寒烟

道傍見春柳漸長

千絲膩綠不勝梳臥水眠沙態有餘好似雛鬟新覆額亭亭裊裊十三餘

道中雜詩

蒲帆影裏白蘋香一味思家夜易長耐耐虎邱花舫子六更絃索做淒涼春半荒村尙試燈春調踏臂月三更孤帆已是淒涼甚禁得吳娘擷笛聲

大堤登遠書感

萬里新寒接塞陰。平沙盡處見明星。漁燈涼孕鵲鵲碧。馬骨秋圍苜蓿青。故絮壓肩風更入。短靴扶力酒初醒。窮途感觸真無謂。終古河流去不扃。

傷都督向公

夜帳星辰隕。東南哭素旂。出身經百戰。授鉞感衰年。聞道樓船返。翻愁鐵甕堅。壺頭師未捷。招恨馬文淵。奉侍叔父中丞公持節巡河。馬上口號。

滾滾長河繞節樓。趨陪旌仗得閒遊。清門子弟關人事。亂世文章畏濁流。瘦馬嘶寒先報曙。餘梁閣雨不能秋。瘡痍滿眼誰應起。枉費儒巾發古愁。

枕上聞車鈴聲

淒風高館夜聞鈴。單枕惺忪別緒生。憶得年時妝鏡側。兩三簷馬打簾聲。

過鞏縣杜子美□□故里

生未入蜀浮三湘。十年哦詩筆力僵。短鞭瘦馬今日始。來經鞏洛公故鄉。鞏當千山萬山秀。俯瞰大河低可肘。洞房土室迥清奇。居者直疑皇古壽。公胡年少輕此邱。荆棘萬里貪豪遊。一官問道奔行在。九死餘生哀暮秋。可憐數年住同谷。拾橡採梠日不足。醉中罵坐豈初心。祇以長歌當號哭。當筵倘遂捋虎鬚。或者成都萬姓焦勞蘇。老嫗何物強解事。扁舟一夜歸江湖。西風勞勞鬱林道。舊夢溪堂無復到。自古詩人

阨命多。當時幕府憐才少。獨將幽憤過一生。耳聞克捷心猶驚。兵戈未息公已沒。蠻烟瘴雨魂難甯。吁嗟天子蒙塵臣客死。臣有詩歌見臣志。直是離騷一片心。恨魄相望隔秋水。我詩未工身已窮。時非天寶憂則同。沅沅黃流美人杳。思在洞庭湘水東。

洛川道中

一別青山倏半年。詩情畫意忽爭妍。此間大有江鄉思。祇欠滄浪著釣船。

一川新水拖藍嫩。十里平林淺絳殷。好似故人團扇畫。祇疑歸夢到柯山。越樓子嘗有柯山紅樹畫扇。光景絕似此間。

曉晴走馬河陽道中

卅里郊原結隊行。眼中風物媚新晴。平巒過雨青歸樹。寒草拖烟綠上城。隔水稻香禽語妥。當風人影馬蹄輕。天涯但得長如此。便倚鞭絲過一生。大河南北郡縣多被蝗。而河陽獨無農事方盛。可以知長官之賢矣。

孟縣謁漢漢壽亭侯墓

百戰纔分鼎。吞吳恨未銷。讀書知國賊。愛士過羣僚。所向無中夏。爲靈壯本朝。至今尊奉意。宮闕闕蕭寥。與汪叟少尉李嘉時貳尹約遊龍門伊闕阻雨不果東汪叟。

昔者李客過汴河。訪我來堅看山約。風塵飢餓行路難。昨者鞭絲指伊雒。入門下馬逢汪倫。器宇不數瑤壁琨。語言豪氣震屋瓦。爲我歷歷談龍門。自云游跡經再宿。摩厓題詩遍山谷。浩歌平納四山秋。雪老雲頑動心目。斷冰十丈絡瘦藤。危石孤掌吐神木。逶迤百級叩樵徑。翠磴盤空互紆曲。賓陽洞名路險境尤

關附棘攀松。敝僮僕。洞中古佛一萬尊。大者如山小如粟。鬼工鑿鑿無俗痕。醜入鬚眉道心足。潛幽韜隱相最真。百怪千獐後難續。山心佛性兩有會。斗覺神氣燭穢濁。身輕蹻捷凌絕頂。夜聽癡蚪抱烟哭。天明散髮下雙闕。至今體健頭不沐。我聞此語神觀馳。汪生汪生真導師。相逢定欲把君臂。此間何可無吾詩。回頭更呼李客坐。看取名山終屬我。亟脂我車芻我馬。飽飯黃昏掩齋臥。不知天公所妬人。好奇人意欲速天能稽。老晴十日忽狂雨。一夜滂沱三尺泥。洛水湛湛那得渡。上山泥滑難容步。山鬼虛含翡翠愁。水仙不喜瑤璫賦。仰視大野天沈沈。西風吹雨沾我襟。豈是幽靈厭塵俗。不容半日汗山林。廿年會稽禹王穴。剔蘚尋碑犯風雪。此生早與山有素。肯令當前歎遼絕。對客長歌行自哀。中年腰脚漸衰頹。天涯馬足寧知路。何日擔糧決計歸。

### 三山

安坐四月餘。漸苦骨節死。竭來侍旌從。勞轂復當治。河津軌途息。厓側馬足始。入山方菌縮。下阪忽弩駛。谷暄被晨衣。巖果悅塵齒。松樾森四壁。嵐光照人紫。百轉無一同。峯峯出奇恣。局束緣蛇徑。陰風冷激矢。行人互高下。在後失前趾。尋聲諦言說。索景昧往眎。讓道喜近古。叱馭慚未仕。獨愛巖左村。蓬茅契幽旨。窟室樹作門。低泉馬擔水。木棉交小麥。耕織都有恃。吾心苟志隱。勝境卽在是。惜哉靈府液。重爲利名煮。山居靜氣多。境外人事起。白雲自留客。投鞭已城市。

### 首陽驛

至性不可敵。秋風薇蕨新。空山窮餓日。垂老弟兄身。直諫存吾道。陰符惜故人。予方懷仲氏。何以弔遺民。

緱山

立馬緱山晚照昏。諸天笙鶴杳無存。披榛獨下荒祠拜。我是仙人百葉孫。

大風孟津渡河

對酒復當歌。西風卷大河。浪頭爭岸上。篷背得秋多。一雨水聲闊。千山馬影過。敢云豪意盡。古井有時波。

河朔

斷逕荒蹊耐客尋。草長石瘦少人行。牽蘿埽碣雨浮字。踏葉下山霜有聲。世味劣如村酒薄。詩懷莽似野蘆生。也知此念終無託。每到深秋百感并。

孟縣阻雨

漲霧浮烟舉眼愁。寥寥虛館怕淹留。山城木葉敲殘夢。夜雨河聲入暮秋。庾信早成枯樹賦。阮咸空預竹林遊。可憐半日逃鞬絆。嬾煞桑邊病牯牛。

客有詢鑑南春事之勝者。長句答之。

二月南塘鏡樣圓。水容山態儘人憐。一湖魚氣白浮樹。十戶筍租青上船。酒幔嫩陰楊柳海。錫簫寒食鷓鴣天。年時半幅鷗邊席。葛帳單裙望若仙。

曉晴散步

一宵苦雨過殘醉。破曉新晴得放閒。敗葉。春秋還著樹。溼雲爭旭。漸離山。無端眼淚狂難蓄。太瘦詩心愛未刪。莫道獨吟餘獨賞。路旁渾已笑癡頑。

陳珊士庶常壽祺登第假歸。間道出大梁過訪。席上送別。

讀書廿年爭此日。射策金門未三十。西風千里錦袍秋。獻壽高堂健猶昔。悲君少孤奉母居。玳燈蘿屋傳遺書。春官數謁良苦別。賴有燕婉能娛姑。三日芙蓉鏡中曉。看君親製泥金報。上有百拜加餐飯。下言兒貴歸來早。藍子花落槐花黃。摩訶一曲冰絲涼。衫巾連臂踏春月。毳仗扶頭過夕陽。花光上酒春心熱。爛醉直須三萬日。平生一試丈夫豪。亂世可憐名士拙。長年冷粥山廚寒。一朝意氣教人看。文章有用寧獨是。富貴逼人如此難。我從別君向西走。已分雲泥終古剖。不道天涯落葉堆。尙有今宵一尊酒。老母倚戶妻停機。行矣馬蹄無再遲。臥龍山北早梅發。堂上康強報我知。

重九日與中表陶森貳尹登大堤眺遠

天末作重九。檐花及訪陶。嶽雲盤大野。河影落秋壕。露犬爭寒吠。霜鴻磔凍毛。無嫌風景惡。有酒尙能豪。

自輯數年來所作小卷題句其上

擁褐磨磚歲月窮。牢騷風雨伴秋蟲。讀書太少才難傑。感事方多悟易通。未欲嗜奇終苦寂。敢因諧俗遠求工。相思欲寄盟瀛社。多恐詩歌近更雄。

雜憶

素月銀霞淡處工。蘭芽生小不禁風。繡雲山下楊花老。零落東州盛小叢。  
冬郎慣賦懷儂歌。梅尉詞邊酒債多。記得春船扶醉別。一燈花雨渡曹娥。  
竹粉蒨絲二月天。真娘墳上草如烟。思量何事干卿處。腸斷楊娃未嫁年。  
四垂羅帳掩春愁。美玉從來出世羞。略記年時修笛處。柳絲前面小紅樓。  
月子新詞半格傳。娥娥爭唱想夫憐。江湖十載填詞筆。斷句飄零到酒邊。

題姚近韓觀察愛怖圖

觀察自言前身爲潤州蓮性庵僧。幼年夢中時遊其地。故繪此圖。

琴女餅花任自過。定中真力走天魔。卽令小羯兵刀苦。願爲蒼生掌一摩。

法喜吹成出世曲。莊嚴看作淨名經。茫茫廿六年前事。我亦焦山退院僧。

誠墮地時。先君子曾夢焦山退院僧某來謁。寢而生識。

不寐學東野體

擁褐中宵臥。惺惺斷夢痕。鈍驢齧樹動。飢鼠踢燈翻。道氣扶秋敝。禪心拓夜昏。蕭寥聞雁後。此意共誰論。  
冬夜孤坐憶陳延年

自憐枯影見孤棧。坐守爐灰剩欲冰。酒外薄寒棲畫幃。梅邊殘雪款詩燈。天侵歲暮艱爲客。人到中年靜愛僧。卻憶擁裘過夜永。愛閒惟有季方能。

中和節同陳延年延益黃廷贊別駕試馬東郊至張家園林二首。

勝序偕幽好。餘情不可羈。客中閒日少。貧裏酒名低。落日雅爭樹。荒村犬候扉。似聞過小劫。風物近淒迷。

調鶴留茅徑。延鴻敞水廊。蘇陰藏畫佛。花氣閉虛堂。話喜村儒拙。茶分灌叟忙。下堦還悵立。人境正蒼茫。

後六日。再同延年。延益。陶森。遊孝嚴寺。並馬荒城曲。沙陰路不塵。地偏多日永。寺寂見時貧。倦鵲從僧夕。孱柯待雨春。故人虞殯處。捫腹一傷神。

憶去年送裴沅通判殯。曾一至寺。撫今懷昔。黯然久之。

### 聞江南軍聲大捷喜而不寐作此四首

夜火落星旄。江聲走賊壕。力窮名將出。恩重戰功高。酒瀝匈奴血。花明日本刀。九重深望捷。庶以慰憂勞。反正亦何害。雲臺畫李忠。酸辛謝妻子。慷慨赴奇功。屬國尊都護。殊恩拜總戎。亟須嚴賞罰。東國酒漿空。揮淚喜心極。浮生意氣增。將軍新受命。小寇爾何能。飛檄滿淮浦。連兵下秣陵。商量江路近。歸計詎無憑。廢壘黃山暮。寒烽赤壁秋。瘴深宛馬死。幕冷楚烏愁。及此收天險。猶能剪國仇。無爲效楊僕。頭白始封侯。

### 山居秋思圖爲友人題

六月火雲蒸大河。埋頭喘汗卷如螺。故人示我一尺畫。滿紙但覺秋風多。念汝江南舊名族。葑溪藏書上連屋。家餘五畝種花田。天與十年讀書福。自從隨宦來大梁。天馬苦被凡塵纏。夢中千里劍池月。舉眼影落長河黃。天生大才必軒舉。不見寒宵飢啖芋。從來吾道薄文章。豈獨狂歌動風雨。麥場牛角猶著書。誰謂至業須田居。知汝素心託山水。不肯慙棄先人廬。我家竹堂臥龍北。破筒窮甃黯無色。蕭寥猿鶴怨離人。席帽天涯歸未得。安得名成共遂初。卻從越絕下姑蘇。相逢一笑頭如雪。更畫名山老友圖。

呈周容齋丈

弧南一星光北辰。左倚蒼玉昂蚪身。黃河下天斗牛側。一笑獨遣人間春。朝廷夙聞郭有道。苦戀詩書致身早。文章已看獬廌尊。光采猶矜鳳皇老。皮膚凍作乾梨紅。小兒飲啖無如公。暮年精意託毫末。磨頭澣水爲英雄。五十年中學書力。生氣不受十指抑。惟將寥落契道心。風雨高天叩新得。知君爲人觀君書。謹嚴簡貴今所無。羽衣仙官肅環珮。叩齒下走通天狐。河南褚公最簡妙。煤尾蛛絲得者少。涪翁學褚亦凡骨。仰嗅餘香逞妖好。君書瘦硬乃見真。要人紙背窺精神。卽今京師鉅公盡傾倒。鰕生何物能儼倫。昨日新晴好春旭。爲君手注蒲萄綠。先輩高談久不耳。直當循疏古書讀。君不見城中貴游日高車。僂薄紛紛無與徒。安得江東比鄰住。長願命作磨墨奴。

春分後二日陪諸貴客登吹臺用李獻吉登繁臺韻

旅情荒落掩蒿萊。強逐豪遊上吹臺。盜賊積年春事晚。河山無際亂愁來。蕪城過馬塵逾上。花墅無人雨自開。薄酒不堪懷瘦杜。高歌青眼有餘哀。

送客歸山

三月夷門雪。黃河凍不流。看君驅瘦馬。破帽下徐州。酒冽楊梅紫。田收橡栗秋。終年玩雲氣。世事此悠悠。

丁巳除夕泌陽縣齋守歲

舊年曹縣臘。今歲舞陰春。遠道窮難擇。中年感漸真。安危偏視賊。意氣失依人。鬱鬱終何極。時艱惜此身。

懷人詩

當代張威伯。輪囷表歲寒。和平得友廣。貧賤著書難。短髮年年白。清詩字字安。麻衣墓旁淚。今日儻應乾。  
孫孩秀才。

四子微言在。今看氣象新。高歌長戾俗。元論肯窮人。老友知心淚。空齋臥病身。幹南花樹發。不見兩年春。  
陳潤孝廉。

落落稱通隱。城南第幾人。糊頤悲母老。捉鼻受妻嗔。舊約禽慶在。長年馬肆貧。向來飛動意。應恨鬢毛新。  
魯燮元秀才。

相如好詞賦。辛苦得貲郎。綉布衣初綠。官錢酒不黃。詩成必橫絕。貧裏獨軒昂。幸謝他途進。于今脫盪傷。  
周光祖戶部。

雲阿老從事。五載臥旌旄。豪健依人拙。文章覩食勞。骨奇知愛馬。淚熱欲磨刀。何日手文露。因成長揖高。  
周顯孫大令。

戊午元日書懷

繭足天涯又一年。壯懷鄉思兩茫然。無多好尚猶妨俗。有數才名莫問天。得意幾曾關馬足。眞身空欲競雞先。誰能久事官傭筆。坐使窮途羨介騫。

伏晚雨歇。書齋甚涼。讀書久之。起步屋後小池看月二首。

索妙匪自遠。多悅趣斯迥。高軒微雨過。新爽及裾領。攤書坐忘劬。展簾臥猶靳。獨賞未形寂。思與孤月覲。夜抱豁疏葛。吟味入苦茗。琴上秋氣早。爐中香意靜。邈茲近取勝。俗遺予所景。此間但是家。所好或愈永。貧來肯知足。當歡每深省。睠言懷征人。馳驅正傳警。

夜中露愈下。冷風載其清。餘素曠難盡。行眺池月晴。星辰浸寒碧。迴照牆陰明。樓臺不可色。淡與烟靄平。尺水知有魚。跳沫微聞聲。瑩然一泓雨。適爾百體輕。窺影得兩我。真覺寂不生。豈無廣川富。多好妨專情。何如舉眼處。遠想江湖并。持此叩秋夢。了了證涼盟。

子夜歌

顏色博人歡。恩誼那不乖。上床是鄉里。下床是天涯。

湘夫人歌

秋雨江湖帝鄉隔。湘竹叢叢楚天色。朝雲一角靈旗風。山鬼伶俜蹋空碧。冰絲五十湖南歌。刺船欲往愁橫波。山中桂樹晚花落。烟外月明何處多。

壽俞蕞園書記四十

神馬達千里。及半不汙足。人生至四十。流品定賢俗。俞八精勤迴無匹。少小奇窮借書讀。十年挾策走河洛。苦志居然富收蓄。文章得力聞識多。就中尤勝推詩歌。骨幹開張氣渟古。格律嚴正心平和。吾鄉能者數。漚縵周東漚李越縵未知角勝當如何。我從辭家久無和。迂拙常受人譙訶。頽流抱柱勢日迤。議論遑敢專從